

Program rada
Udruženja poslodavaca BPK-a za 2013.
godinu



Goražde, mart 2013.

Na osnovu člana 19. alineja 8. Statuta Udruženja poslodavaca BPK, Skupština Udruženja poslodavaca BPK Goražde, na VII sjednici održanoj 28.03.2013.godine *usvojila je*:

PROGRAM RADA UDRUŽENJA POSLODAVACA BPK GORAŽDE ZA 2013. GODINU

Sadržaj

1.UVOD	3
2.CILJEVI	4
3.PRIORITETNE AKTIVNOSTI	5
3.1. Poslovno okruženje	5
3.2. Kadrovi	5
3.3. Usluge članstvu	5
3.4. Odnosi sa institucijama Vlasti	6
4. RAD U EKONOMSKO - SOCIJALNOM VIJEĆU	7
5.AKTIVNOSTI UPBPK U OKVIRU PROJEKATA	8
6. OSTALE AKTIVNOSTI	8
6.1. Odnosi s javnošću	
6.2. Saradnja sa drugim organizacijama	9
7. ZAKLJUČAK	10

1.UVOD

Program rada Udruženja poslodavaca BPK Goražde za 2013. godinu zasniva se na odredbama Statuta, smjernicama Upravnog odbora i biće usklađen sa aktivnostima Udruženja poslodavaca BPK Goražde u cjelini te usmjeren na jačanje pozicije Udruženja.

Program rada Udruženja poslodavaca prilagođen je i trenutnoj ekonomsko-socijalnoj situaciji u zemlji i materijalnim mogućnostima i organizacionim i kadrovskim kapacitetima udruženja i urađen je na bazi prijedloga članica Udruženja.

Programska usmjerenja Udruženja poslodavaca BPK Goražde sastojat će se od aktivnosti usmjerenih na prepoznavanju Udruženja poslodavaca kao kreatora povoljnijeg poslovnog okruženja te socijalnog partnera u rješavanju aktuelnih problema u dijalogu sa Vladom i sindikatima.

Nakon osam godina ustrajnog i mukotrpnog rada, došli smo u situaciju da nismo samo jedino poslodavačko udruženje na nivou BPK Goražde, nego smo postali i nezaobilazan socijalni partner čiji se argumentovani zahtjevi sve više uvažavaju.

Polazeći od te činjenice želja nam je da ovaj Program rada bude adekvatan ne samo našem ugledu i stečenoj poziciji, nego i da korespondira sa zahtjevima i potrebama naših članica, te da istovremeno bude poticajan i motivirajući za kompanije koje nisu naše članice da to i postanu.

Prioritetne aktivnosti urađene su na osnovu najšire rasprave i rezultat su postignutog konsenzusa najvećeg broja naših članica. Samo krajnje transparentan rad i dvosmjerna komunikacija između organa udruženja i članica udruženja može obezbjediti rješavanje nagomilanih problema sa kojima se naše članstvo svakodnevno susreće.

Osnovne aktivnosti Udruženja poslodavaca u 2013. godini biće usmerene na praćenje poslovanja i pružanje pomoći članicama u rešavanju ukupne problematike u oblasti radno-pravnih odnosa, poreske politike i drugih oblasti, a prema zahtjevima i potrebama poslodavaca za realizaciju njihovih poslovnih aktivnosti, uvažavajući sve specifičnosti i djelatnosti iz kojih su zastupljeni poslodavci, njihov strateški značaj i složenost problema u tim delatnostima.

Udruženje će se zalagati i za usvajanje strategije i politike zapošljavanja, mjera rasterećenja privrede u oblasti fiskalne politike, te za izdvajanje sredstava iz budžeta kantona za podsticaj malog i srednjeg preduzetništva i industrijskih grana koje su izvozno orijentisane.

2.CILJEVI

Udruženje poslodavaca će svoju cjelokupnu aktivnost u ovoj godini zasnivati na nastojanjima za ostvarenje sljedećih ciljeva:

- Stvaranje adekvatnog poslovnog ambijenta koji će omogućiti stabilno poslovanje naših članica, razvoj i punu zaposlenost, a koji obuhvata i smanjenje fiskalnih i parafiskalnih nameta poslodavcima, te poticaje naročito proizvodnim i izvozno orjentisanim firmama
- Pomoć i podršku članstvu kroz sve segmente rada
- Zadržavanje postojećih i privlačenje novih članica, kroz kvalitetan i efikasan rad udruženja.
- Promocija društveno odgovornog preduzetništva
- Jačanje Udruženja poslodavaca u organizacionom i sadržajnom smislu, a radi realizacije planiranih aktivnosti
- Osiguranje uslova za aktivno sudjelovanje u svim oblicima ekonomske politike na lokalnom nivou
- Praćenje svih privrednih, društvenih i ostalih aktivnosti na području BPK Goražde
- Ostvarivanje drugih interesa poslodavaca u oblasti ekonomske politike, poreske politike i politike zapošljavanja

Za realizaciju gore navedenih ciljeva neophodno je stalno insistirati i lobirati da institucije svih nivoa zakonodavne i izvršne vlasti hitno preduzmu mjere iz svoje nadležnosti. Također, neophodno je da samo udruženje odredi prioritetne zadatke i na njima dosljedno radi a sve u skladu sa ispunjenjem gore proklamovanih ciljeva.

Zbog toga ovaj program rada ne treba posmatrati samo kao program koji trebaju realizovati organi udruženja. Njegovo ostvarenje zavisi od sinergije svih članica. Sigurni da je to ostvarivo, predvidjeli smo nastavak ranije započetih aktivnosti, kao i niz novih koji će obezbjediti korist za najveći broj naših članica.

U nastavku ćemo pobrojati prioritetne aktivnosti, grupisane po vrsti djelatnosti, bez šire elaboracije.

3.PRIORITETNE AKTIVNOSTI UPBPK GORAŽDE

3.1. Poslovno okruženje

Osvrćući se na trenutno poslovno nepovoljnu situaciju u BiH i samu ekonomsku krizu s kojom se susreću privredna društva naše glavne aktivnosti odnosiće se na:

- Stvaranje stimulativnog i podsticajnog poslovnog ambijenta
- Donošenje sistemskih mjera u rješavanju trenutne krize
- Uticati na smanjenje javne potrošnje
- Smanjenje doprinosa u cilju ukupnog rasterećenja poslodavaca
- Smanjenje parafiskalnih opterećenja (općekorisne funkcije šuma, vodne naknade, turističke zajednice itd.)
- Suzbijanje sive ekonomije

Udruženje poslodavaca će koristiti sve institucionalne i vaninstitucionalne metode za ostvarenje navedenih ciljeva. Na Vladu BPK Goražde pokušaću se uticati i kroz Ekonomsko socijalno vijeće ali i kroz razne oblike lobiranja. Nastojaćemo biti mnogo direktniji u pridobivanju javnog mnijenja i sindikata za realizaciju predviđenih aktivnosti. Također ćemo u saradnji sa drugim organizacijama napraviti analize koje će biti podloga našim zahtjevima.

3.2. Kadrovi

Samo kvalitetan, edukovan i visoko motivisan profesionalni tim može odgovoriti sve većim zahtjevima i potrebama organa udruženja ali i samih članica. U tom smislu prioritete aktivnosti u ovoj godini biće:

- Stvaranje preduslova za angažovanje koordinatora za marketing i članstvo;
- Permanentna interna i eksterna edukacija profesionalnog tima.

3.3. Usluge članstvu

Putem standardnih usluga i servisa članstvu će se pružati mjerljive koristi i efikasna pomoć, koje će kvalitetom usluge i pravovremenošću reakcije profesionalaca povećavati zadovoljstvo članova uslugom a nečlanove motivirati za članstvo. Pojedinačna pomoć članicama sastojati će se od pravne pomoći, posredovanja u kontaktima s domaćim i inozemnim partnerima i dobavljačima, posredovanja u međunarodnim kontaktima te uslugama edukacije.

Samo kvalitetan, edukovan i visoko motivisan profesionalni tim može odgovoriti sve većim zahtjevima i potrebama organa udruženja ali i samih članica. U tom smislu prioritete aktivnosti biće na razvoju kadrova Udruženja poslodavaca te interna i eksterna edukacija profesionalnog tima.

Bitan preduslov za unapređivanje kvaliteta rada samog udruženja i ispunjenje proklamovanih ciljeva je i stabilna materijalna osnova. Zbog toga je potrebno stvoriti preduslove za ubiranje prihoda od članarine, te iz drugih izvora (grant kantona i drugih nivoa vlasti), te uslove za finansiranje aktivnosti udruženja kroz projekte.

Kontinuirano će se raditi na unapređivanju i jačanju kvaliteta naših usluga i na taj način će se sačuvati dosadašnje članstvo. Podizanjem kvaliteta našeg rada i ostvarenim rezultatima motivisaće se nove kompanije za pristupanje udruženju.

U svrhu pridobivanja novih članova potrebno je:

- Aktivirati rad komisije za članstvo, koja će biti odgovorna za privlačenje novih članova i zadržavanje postojećih. Radi se o grupi članova koja kroz neposredne kontakte pridobija nove članove
- Organizovati redovne sastanke sa svakim potencijalnim članom (predstaviti Udruženje poslodavaca BPK Goražde, predstaviti prednosti članstva, predstaviti program za 2013. godinu, razgovarati sa potencijalnim članom o tome u koje se aktivnosti Udruženja poslodavaca želi uključiti itd.)
- Animirati članove organa udruženja ali i sve članice da rade na privlačenju novih članica.

3.4. Odnosi sa institucijama Vlasti

U saradnji sa Vladom i resornim ministarstvima Udruženje poslodavaca će i dalje insistirati i podržati opredjeljenja koja idu u pravcu:

- Reforme javne uprave
- Obezbeđivanje preferencijalnog statusa kompanija sa područja BPK Goražde
- Ubrzavanja realizacije infrastrukturnih radova
- Usvajanja strategija za djelatnosti koje nisu donesene uz redefinisane postojećih, a naročiti industrijskih politika i strategije poljoprivrede
- Mjere za poboljšanje likvidnosti
- Mjere za suzbijanje sive ekonomije

Udruženje poslodavaca će koristiti sve institucionalne i vaninstitucionalne metode za ostvarenje navedenih ciljeva. Na Vladu BPK Goražde pokušaću se uticati i kroz Ekonomsko-socijalno vijeće ali i kroz razne oblike lobiranja. U tom smislu Udruženje poslodavaca će tražiti redovnu komunikaciju sa Premijerom i ministrima i mimo sjednica ESV-a, te uključivanje predstavnika Udruženja poslodavaca u komisije i radna tijela za izradu strategija, zakonskih i podzakonskih akata, sve u cilju da svaki ekonomsko-

socijalni partner da svoj doprinos u prevazilaženju ekonomske i socijalne krize u Bosansko-podrinjskom kantonu Goražde.

Konkretne planirane aktivnosti u tom pogledu biće:

- Održavanje redovnih tematskih sastanaka sa premijerom i ministrima, posvećenih konkretnim problemima privrede, koji će se svaka 2 mjeseca održavati u nekoj od naših članica;
- Insistiranje na imenovanju naših predstavnika u radna tijela koja rade pripremu propisa i strategija;

Nastojaćemo biti mnogo direktniji u pridobivanju javnog mnijenja i sindikata za realizaciju predviđenih aktivnosti.

4. EKONOMSKO SOCIJALNO VIJEĆE BPK GORAŽDE

Kroz rad naše delegacije u Ekonomsko socijalnom vijeću, ali i djelovanje samog udruženja, permanentno ćemo insistirati na provođenju mjera koje se odnose na:

- Rasterećenje privrede
- Ograničenje javne potrošnje
- Podsticaje za novo zapošljavanje, očuvanje nivoa zaposlenosti te podsticaje naročito „start up“ poslovima, proizvodnim i izvozno orjentisanim kompanijama
- Suzbijanje sektora neformalne ekonomije, izbjegavanja plaćanja doprinosa i poreza i sprečavanje korupcije
- Pобољшanje tekuće likvidnosti
- Analize Zakona koji nisu povoljni za privredne subjekte i izvršiti njihove Izmjene (Zakon o privrednim društvima, Zakon o radu, fiskalni zakoni i sl.)
- Reforme vanbudžetskih fondova (Zavodi za zapošljavanje, PIO/MIO i Zdravstvo).

Posebna pažnja posvetiće se unapređivanju rada samog Ekonomsko-socijalnog vijeća kroz insistiranje na usvajanju Federalnog Zakona o Ekonomsko-socijalnom vijeću, kojim

će se omogućiti da zakonski i drugi projekti od interesa za naše članice ne mogu biti usvojeni bez konsultacija sa poslodavcima.

Ipak najvažnija aktivnost Ekonomsko-socijalnog vijeća biće iniciranje završetka pregovora o Izmjenama i dopunama Opšteg kolektivnog ugovora i nakon toga pratećih granskih kolektivnih ugovora koji će poslodavcima omogućiti ravnopravan odnos u odnosu na ostale socijalne partnere.

5. AKTIVNOSTI UDRUŽENJA POSLODAVACA U OKVIRU PROJEKATA

- Izrada brošure “Privredni vodič Bosansko-podrinjskog kantona Goražde”

Privredni vodič BPK Goražde podrazumijavao bi publikacijsko predstavljanje goraždanskih privrednih subjekata. Udruženje poslodavaca je prepoznalo potrebu i značaj da se ažurira već postojeći „Katalog privrednih subjekata BPK Goražde“, budući da je od njegovog izdavanja proteklo nepune tri godine i umnogome se promjenila privredna slika kantona.

- Realizirati projekat utvrđivanja opterećenje privrede na kantonalnom i općinskim nivoima

- Implementirati projekat „Napredna edukacija poslodavaca“

- Definirati druge projekte u skladu sa aktuelnim interesima našeg članstva i interesima donatorskih organizacija za njihovo finansiranje.

Navedeni projekti će se realizovati u skladu sa materijalnim sredstvima koja za njih budemo obezbjedili, te sa kadrovskim mogućnostima udruženja, kao i ostalim prioritetnim aktivnostima našeg udruženja.

6. OSTALE AKTIVNOSTI

6.1. Odnosi s javnošću

Komunikacija s javnošću će se odvijati planski, s glavnim ciljem bolje i objektivnije informiranosti javnosti o značaju i utjecaju poslodavaca u društveno-ekonomskim pojavama. Jedan od ključnih ciljeva je i poboljšanje imidža Udruženja poslodavaca u javnosti. Komunikaciju s javnošću održavati ćemo putem konferencija za novinare, objavljivanjem svih bitnih aktivnosti putem web-a, te drugih glasila.

Udruženje posebnu pažnju treba posvetiti javnoj prezentaciji interesa svojih članica, kao i svojih dostignuća i uspjeha. U dosadašnjem radu, pokazalo se da je promocija naših rezultata i uspjeha bila neadekvatna. Najšira javnost, nove potencijalne članice i dio našeg članstva nije imao potpunu informaciju o svim našim aktivnostima i njihovim pozitivnim efektima.

U tom cilju potrebno je planirati sljedeće konkretne aktivnosti:

- Prethodno artikulirati interese naših članica, što će se, između ostalog postići redovnim mjesečnim posjetama pojedinačnim i kolektivnim članicama;
- Svaki mjesec organizovati konferenciju za štampu sa najaktuelnijom temom od interesa za naše članice;
- Redovno ažurirati Web stranicu udruženja;
- Održavati redovnu komunikaciju sa predstavnicima elektronskih i printanih medija.

6.2. Saradnja sa drugim organizacijama

Privredna komora BPK Goražde

- Organizovati redovne sastanke u cilju zajedničkog nastupa prema Vladi i Sindikatu
- Korištenje analitičkih potencijala koje ima komora
- Predlaganje zakonskih rješenja
- Učešće na sajmovima
- Organizovati zajedničke konferencije i seminar

Služba za zapošljavanje BPK Goražde

- Program tržišta rada
- Predlaganje zajedničkih projekata za podsticanje zapošljavanja
- Organizovanje sajma zapošljavanja

Uprava za inspeksijske poslove BPK Goražde

- Organizovati redovne tromjesečne sastanke u cilju suzbijanja rada na crno
- Pomoć članicama koje imaju problema sa inspekcijom
- Razmjena informacija
- Saradnja pri donošenju i izmjeni postojeće legislative

Mediji

- Izjavama, gostovanjima i intervjuima čelnika UPBPK Goražde u medijima (televizijski, printani, elektronski)
- Organizovanje tematskih emisija

Sindikat

- Zajednički nastup prema Vladi u cilju ostvarenja zajedničkih interesa
- Saradnja na donošenju adekvatnog radnog zakonodavstva
- Rješavanje pojedinačnih ili grupnih problema naših članica

7. ZAKLJUČAK

Da bi Udruženje poslodavaca BPK Goražde zadržalo svoj legitimitet i reprezentativnost koje je steklo u osam godina svog aktivnog rada, potrebno je nastaviti intenzivno raditi na stvaranju jedinstvenog ekonomskog prostora, podržavanju efikasnosti privrede, izvoznoj inicijativi i aktivnostima na poboljšanju standarda i kvaliteta rada i življenja na području BPK Goražde.

Potrebno je raditi i na efikasnom suzbijanju svih vidova korupcije i sive ekonomije, što predstavlja ozbiljan problem preduzećima koji rade na legalan način i podmiruju sve svoje obaveze prema državi i uposlenim.

Težište aktivnosti Udruženja poslodavaca u 2013.godini će biti na unaprijeđenju rada u Ekonomsko-socijalnom vijeću BPK Goražde, te aktivno sudjelovanje u kreiranju zakonske regulative radi stvaranja uvjeta za poboljšanje i razvoj poslovnog okruženja u Bosansko-podrinjskom kantonu Goražde, a posebno na zaštiti privatnog kapitala i profita.

Osnovne aktivnosti Udruženja poslodavaca bit će usmjerene na praćenje poslovanja i pružanje pomoći članicama u rješavanju ukupne problematike u oblasti radno-pravnih odnosa, poreske politike i drugih oblasti, a prema zahtjevu i potrebama poslodavaca za realizaciju njihovih poslovnih aktivnosti, uvažavajući sve specifične djelatnosti iz kojih su zastupljeni poslodavci, njihov strateški značaj i složenost problema u tim djelatnostima.

Broj: 46/13
Goražde: 28.03.2013.godine

Predsjednik Skupštine

/Avdo Kuljuh, s.r. /

